



Dilecto Filio Michaeli Angelo Franceschi Fratri expressè Professo Ordinis
Minorum S. Francisci Cappuccinorum nuncupatorum, Prædicatori
Palatii nostri Apostolici.

BENEDICTUS PP. XIV.

Dilecte Fili salutem, & Apostolicam Benedictionem.



RXIMIA RELIGIOSARUM VIRTUTUM MERITA, QUIBUS
apud Nos maximopere commendaris, & doctrina, prudentia, ac
zelus, quibus officium Prædicatoris Palatii Apostolici nostri Tibi
alias demandatum laudabiliter obire pergis, Nos inducunt, ut,
quemadmodum Nos ad Ordinem S. Francisci Minorum Cappucci-
norum nuncupatorum, cujus Frater expressè professus existis, aliqua

prærogativa decorandum, Prædicatores ejusdem Palatii Apostolici ex memorato
Ordine deinceps futuris temporibus esse assumendos per alias nostras in simili forma
Brevis litteras hac ipsa die datas, statuimus, decernimus, & ordinamus, ita Tibi
etiam non obscurum nostræ Apostolicæ benignitatis argumentum exhibeamus: itaque
auctoritate Apostolica, tenore præsentium Te modernum Prædicatorem ejusdem
Palatii Apostolici, primum in munere hujusmodi, quoad vixeris, confirmamus;
Deindè volumus, & in virtute S. Obbedientiæ mandamus omnibus, & singulis Or-
dinis Tui Superioribus, Generalibus, & Subalternis, ut ab ipsis, cæterisque, ad
quos spectat, Tu habearis, ac sis ad instar aliorum Regularium Palatio Apostolico
proximè additorum, itaut Rheda, vel Curru uti eodem prorfus modo, quo alii
Concionatores Apostolici ejusdem Ordinis ad hanc usque diem usi sunt; Necnon ut
pecunia, sive ex honorario consueto, sive aliundè, licitè tamen, & legitime Tibi
provenientem, licitè, & liberè, absque ullo Conscientiæ scrupulo pro Tuis, & So-
ciorum tuorum necessariis, decentibusque usibus impendere possis, & valeas. Præ-
terea Tibi, ut aliquem ex Alumnis dicti Ordinis experiri, instruere, & informare,
atque Tuum in officium hujusmodi, Nobis, & Romano Pontifici pro tempore existen-
ti designare successorem valeas, tam Prædicatorem per sacratissimam Quadagesi-
mam in Ecclesia sub Titulo S. Mariæ in Vallicella Presbyterorum Sæcularium Con-
gregationis

